

VENDIM
Nr.999, datë 2.7.2008

PËR DISA NDRYSHIME DHE SHTESA NË VENDIMIN NR.500, DATË 18.7.2003 TË KËSHILLIT TË MINISTRAVE “PËR MIRATIMIN E STRUKTURËS DHE TË NIVELIT TË PAGAVE TË PUNONJËSVE TË AVOKATIT TË POPULLIT”, TË NDRYSHUAR

Në mbështetje të nenit 100 të Kushtetutës, të nenit 18 të ligjit nr.8549, datë 11.11.1999 “Statusi i nëpunësit civil”, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, dhe të ligjit nr.9836, datë 26.11.2007 “Për Buxhetin e Shtetit të vitit 2008”, të ndryshuar, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

Në vendimin nr.500, datë 18.7.2003 të Këshillit të Ministrave, të ndryshuar, të bëhen ndryshimet dhe shtesat e mëposhtme:

1. Lidhja nr.1, që përmendet në pikën 1, zëvendësohet me lidhjen me të njëjtin numër, që i bashkëlidhet këtij vendimi dhe është pjesë përbërëse e tij.

2. Në pikën 2, vlera “10 050 lekë” zëvendësohet “11 000 lekë”.

3. Pika 4 ndryshohet si më poshtë vijon:

“4. Shtesa për kualifikim, (kolona nr.3), e lidhjes nr.1, përcaktohet, si më poshtë vijon:

Nëpunësit civilë/nëpunësit, dhe funksionarët e kabinetit, në institucionin e Avokatit të Popullit, përfitojnë shtesë për kualifikim, gradë apo titull shkencor, sipas lidhjes nr.2, që i bashkëlidhet këtij vendimi dhe është pjesë përbërëse e tij.

Kriteret e përfitimit të shtesës janë:

a) Për nëpunësit civilë/nëpunësit, kjo shtesë jepet në kushtet e përputhjes së fushës së kualifikimit, gradës, apo titullit shkencor, me përshkrimin e pozicionit të punës, pas miratimit, rast pas rasti, nga njësia e personelit.

b) Kur funksionari a nëpunësi civil/nëpunësi kanë kualifikim, gradë apo titull shkencor më të lartë, se ai i përcaktuar për pozicionin e punës, sipas lidhjes nr.2, që i bashkëlidhet vendimit, përfitojnë vetëm shtesën e përcaktuar për këtë pozicion.

c) Kur funksionari a nëpunësi civil/nëpunësi kanë kualifikim, gradë apo titull shkencor më të ulët se ai i përcaktuar për pozicionin e punës, sipas lidhjes nr.2, që i bashkëlidhet vendimit, e përfitojnë shtesën, në përputhje me kualifikimin, gradën apo titullin.

Në çdo rast si më sipër, pavarësisht nga kualifikimi, grada apo titulli shkencor, funksionari a nëpunësi civil/nëpunësi përfiton shtesën vetëm për gradën apo titullin shkencor më të lartë, që ka.

Avokati i Popullit, për aplikimin e shtesës për kualifikim, duhet të zbatojë rregullat e udhëzimit nr.1, datë 18.4.2008, të Ministrisë së Arsimit dhe Shkencës, Ministrisë së Financave dhe Departamentit të Administratës Publike.”.

4. Pas pikës 5 shtohet pika 5/1, me këtë përmbajtje:

“5/1. “Specialistët”, “Përgjegjësit e sektorit” apo “Drejtorët e drejtorive”, të cilët janë në pozicione, që lidhen me procesin e informatizimit të veprimtarisë së administratës publike dhe që kërkojnë, në mënyrë të detyrueshme, punonjës me arsim të lartë, në degët “Inxhinieri elektronike” a “Informatikë”, përfitojnë një shtesë, për kushte pune, prej 15 000 mijë lekësh mbi pagën mujore të kategorisë përkatëse, pas miratimit rast pas rasti, nga njësia e personelit.”.

5. Efektet financiare, që rrjedhin nga zbatimi i këtij vendimi, të përballohen nga fondet e planifikuara për politikën e pagave, për vitin 2008.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 korrik 2008.

LIDHJA NR.1

KLASA	EMËRTIMI	PAGA MUJORE			
		PAGA INDIVIDUALE (PAGA BAZË)			SHTESA PËR POZICION
		1	2	3	4
		Paga e grupit (PG)	Shtesa vjetore për vjetërsi (SHV)	Shtesa për kualifikim (SHK)	Shtesa për pozicion (SHP), lekë
I-a	Sekretar i Përgjithshëm	11 000	2%		126 000
II-a	Ndihmëskomisioner, kategoria e parë	11 000	2%		103 500
II-b	Ndihmëskomisioner, kategoria e dytë. Drejtor drejtorie	11 000	2%		86 500
III-a	Përgjegjës sektori	11 000	2%		68 500
IV-b	Specialist	11 000	2%		29 000

LIDHJA NR.2

POZICIONI	KUALIFIKIMI/GRADA/ TITULLI SHKENCOR	SHTESA (LEKË/MUAJ)
Sekretar i Përgjithshëm, Shef kabineti, Këshilltar	Profesor	30 000
	Profesor i asociuar	25 000
Drejtor, Ndihmëskomisioner, kategoria e parë Ndihmëskomisioner, kategoria e dytë	Doktor i Shkencave	20 000
	Doktor i Shkencave	25 000
Përgjegjës sektori Specialist	Studime të thelluara pasuniversitare/master i nivelit të dytë, Studime specializuese afatgjata	10 000
	Studime të thelluara pasuniversitare/master i nivelit të dytë	20 000

Shënim. Vlerat 20 000 lekë, për diplomat “Master i nivelit të dytë/studime të thelluara pasuniversitare”, dhe 25 000 lekë, për gradën shkencore “Doktor i Shkencave”, zbatohen për nëpunësit civilë/nëpunësit dhe funksionarët, që i kanë përfituar diplomat përkatëse në universitetet apo shkollat e arsimit të lartë në vendet e përcaktuara në listën, që i bashkëlidhet udhëzimit të përbashkët të Ministrisë së Arsimit dhe Shkencës, Ministrisë së Financave dhe Departamentit të Administratës Publike.